

Broj: 01-02.1-6613-6/25-IO

Datum: 23.07.2025.godine

Na osnovu člana 70. stav 3. Zakona o javnim nabavkama ("Službeni glasnik BiH", br.:39/14,59/22 i 50/24), Obavještenja o nabavci broj: 260-1-2-139-3-176/25 od 18.06.2025. godine u otvorenom postupku javne nabavke usluga: "Nadzor nad izvođenjem radova: Rekonstrukcija raskrsnice na M4, ulaz u Gračanicu", na preporuku Komisije za provođenje postupka javne nabavke, Uprava JP Cesta Federacije BiH d.o.o. Sarajevo d o n o s i

O D L U K U

I

Najpovoljniji ponuđač u otvorenom postupku javne nabavke usluga: Nadzor nad izvođenjem radova: Rekonstrukcija raskrsnice na M4, ulaz u Gračanicu je INSTITUT ZA GRAĐEVINSTVO „IG“ d.o.o. Banja Luka.

II

Izabrani ponuđač iz tačke I ove odluke dužan je u skladu sa zahtjevima iz tenderske dokumentacije dostaviti originale ili ovjerene fotokopije dokumenata iz člana 45. stav (2) Zakona o javnim nabavkama.

Po isteku roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

III

Ova odluka će se objaviti na web stranici JP Ceste Federacije BiH d.o.o. Sarajevo, istovremeno s upućivanjem ponuditeljima koji su učestvovali u postupku javne nabave sukladno članku 70. stavak (6) Zakona o javnim nabavkama.

O b r a z l o ž e n j e

Na osnovu Obavještenja o nabavci br. 260-1-2-139-3-176/25 od 18.06.2025.godine proveden je otvoreni postupak javne nabavke usluga: Nadzor nad izvođenjem radova: Rekonstrukcija raskrsnice na M4, ulaz u Gračanicu.

Do utvrđenog roka za dostavljanje ponuda 10.07.2025.godine do 12.00 sati, dostavljene su 3 (tri) ponude.

- | | |
|--|--|
| 1. INSTITUT ZA GRAĐEVINSTVO
„IG“ d.o.o. Banja Luka | 25.638,00 KM bez PDV-a
29.996,46 KM sa PDV-om |
| 2. JP ZA PROSTORNO PLANIRANJE I
UREĐENJE GRADA „ZENICA“ d.o.o. Zenica | 25.000,00 KM bez PDV-a
29.250,00 KM sa PDV-om |
| 3. RADIS d.o.o. Istočno Sarajevo | 25.400,00 KM bez PDV-a
29.718,00 KM sa PDV-om |

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti, te utvrdila da je ponuda ponuđača JP ZA PROSTORNO PLANIRANJE I UREĐENJE GRADA „ZENICA“ d.o.o. Zenica i RADIS d.o.o. Istočno Sarajevo nije prihvatljiva, s obzirom na to da nije ispunjen uslov tehničke i profesionalne sposobnosti ponuđača iz tenderske dokumentacije - tačka 11.4.1. tačka a) i tačka 11.4.1. tačka b) alineja 1. i alineja 2., kojima je traženo od ponuđača: „da mogu osigurati nadzorni tim koga čine:

- a) da imaju uspješno iskustvo u realizaciji više ugovora na pružanju usluga nadzora nad izvođenjem radova na izgradnji/rekonstrukciji cesta u posljednje 3 (tri) godine, ukupne vrijednosti jednake ili veće od 25.000,00 KM (bez uračunatog PDV-a). Uspješnost se dokazuje potvrdom druge ugovorne strane/naručilaca o uspješno obavljenim odgovarajućim poslovima.

Posljednje 3 (tri) godine se računaju od datuma predaje ponude.

- b) „da mogu osigurati nadzorni tim koga čine:
 - Voditelj nadzornog tima–nadzorni inženjer: diplomirani inženjer građevine (VSS-VII. stepen) ili minimalno 240 ECTS bodova sa položenim stručnim ispitom i iskustvom u nadzoru na najmanje 5 (pet) realizovanih (završenih) ugovora na izgradnji/rekonstrukciji cesta uključujući i iskustvo kao voditelj nadzornog tima na realizaciji 2 (dva) ugovora,
 - Nadzorni inženjer za geodeziju, dipl.ing.geodezije (VSS-VII. stepen) ili minimalno 240 ECTS bodova sa položenim stručnim ispitom i najmanje 3 (tri) realizovana ugovora na radovima izgradnje/rekonstrukcije cesta i cestovnih objekata.”

U skladu sa tačkom 11.4.2. ocjena tehničke i profesionalne sposobnosti ponuđača će se izvršiti na osnovu dokaza:

- a) Spisak izvršenih ugovora o izvršenim uslugama nadzora nad izvođenjem radova na izgradnji/rekonstrukciji cesta , u posljednje 3 (tri) godine koje se računaju od datuma predaje ponude (prema Prilogu 6 a), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti potvrdu o urednom izvršenju ugovora izdatu od strane ugovornog organa – krajnjeg korisnika usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;
- b) „Izjavu o obrazovnim i profesionalnim kvalifikacijama rukovodnog osoblja koji su angažirani na obavljanju predmetnih usluga, a koji ne moraju biti stalno zaposleni kod ponuđača i popunjen obrazac nadzorni tim (prema Prilogu 6 b) sa prilogima: CV popunjen podacima kojima dokazuje traženo iskustvo, diploma, potvrda o položenom stručnom ispitu.”

Kao dokaz, u ponudi JP ZA PROSTORNO PLANIRANJE I UREĐENJE GRADA „ZENICA“ d.o.o. Zenica, dostavio je:

- popunjen Prilog 6a (str. 29-38) spisak izvršenih ugovora o izvršenim uslugama nadzora nad izvođenjem radova na izgradnji/rekonstrukciji cesta, sa potvrdama o urednom izvršenju ugovora izdatu od strane ugovornog organa – krajnjeg korisnika usluga. Uvidom u dostavljene Prilog-e 6a i pripadajuće potvrde o urednom izvršenju ugovora na str. 31-34 ponude, utvrđeno je da se odnose na ugovor pružanja usluga: Stručni nadzor nad izvođenjem radova na sanaciji i asfaltiranju ceste u naselju Mala Broda vrijednosti 1.667,19 KM (bez PDV-a) i stručni nadzor nad izvođenjem radova na sanaciji i asfaltiranju ceste u naselju Skutovo vrijednosti 4.364,35 KM (bez PDV-a). Slijedom iznijetog, Komisija je utvrdila da ponuđač ne ispunjava uslov tehničke i profesionalne sposobnosti ponuđača iz tenderske dokumentacije - tačka 11.4.1. tačka a), s obzirom na to da ima uspješno iskustvo u realizaciji više ugovora (tri ugovora) na pružanju usluga nadzora nad izvođenjem radova na izgradnji/rekonstrukciji cesta u posljednje 3 (tri) godine, ukupne vrijednosti 19.410,37 KM (bez PDV-a), dok se tačkom 11.4.1.a) tenderske dokumentacije zahtjeva uspješno iskustvo u realizaciji više ugovora na pružanju usluga nadzora nad izvođenjem

radova na izgradnji/rekonstrukciji cesta u posljednje 3 (tri) godine, ukupne vrijednosti jednake ili veće od 25.000,00 KM (bez uračunatog PDV-a). Naime, dva prednje navedena ugovora odnose na sanaciju i asfaltiranje cesta ukupne vrijednosti 6.031,54 KM (bez PDV-a), te ne dokazuju uspješno iskustvo u realizaciji više ugovora na pružanju usluga nadzora nad izvođenjem radova na izgradnji/rekonstrukciji cesta, kako se zahtjeva tačkom 11.4.1. tačka a) tenderske dokumentacije.

- popunjen Prilog 6b (str. 40.) - Nadzorni tim u kome je predložen kao Voditelj nadzornog tima- nadzorni inženjer: Sadbera Hadžić, dipl.ing.grad., te je uvidom u CV imenovanog voditelja nadzornog tima (str. 42.), utvrđeno da ne ispunjava traženo „iskustvo u nadzoru na najmanje 5 (pet) realizovanih (završenih) ugovora na izgradnji/rekonstrukciji cesta ” Komisija je utvrdila da predloženi Voditelj nadzornog tima- nadzorni inženjer: Sadbera Hadžić, dipl.ing.grad., prema podacima iz dostavljenog CV-a ne posjeduje traženo iskustvo „u nadzoru na najmanje 5 (pet) realizovanih (završenih) ugovora na izgradnji/rekonstrukciji cesta”, mada posjeduje iskustvo kao voditelj nadzornog tima na realizaciji 2 (dva) ugovora. Predloženi voditelj nadzornog tima, prema podacima iz CV na str.42. ponude, naveo je (pod 3. stavkom) ugovor „Ugovor o pružanju usluga o određivanju nadzornog tima“, te u u kratkom opisu ugovorenih radova (pod stavkom 3.) navedeno je „komunicirala sa investitorom i izvođačem“, što ne ispunjava traženi uslov iz tačk.11.4.1.b) alineja 1. tenderske dokumentacije, kako je prednje navedeno.

Kao dokaz, u ponudi RADIS d.o.o. Istočno Sarajevo, u popunjenom Prilog 6b (str. 38.) - Nadzorni tim predložen je kao Nadzorni inženjer za geodeziju: Boriša Divljan, dipl.ing.geologije, te je uvidom u CV imenovanog Nadzornog inženjera za geodeziju (str. 44.-46.), utvrđeno da ne ispunjava uslov traže stručne spreme (dipl.ing.geodezije (VSS-VII. stepen) ili minimalno 240 ECTS bodova) i posljedično iskustva „najmanje 3 (tri) realizovana ugovora na radovima izgradnje/rekonstrukcije cesta i cestovnih objekata.“ Predloženi Nadzorni inženjer za geodeziju, prema podacima iz CV-a, je po zanimanju diplomirani inženjer geologije, te je naveo ugovore u oblasti izgradnje objekata (vjetroelektrana, stambeni objekti, hotel, ležišta uglja, cestogradnje) u kojima je ostvario položaj nadzornog inženjera za geologiju. Također, dostavljena je u ponudi na str.47 diploma broj:1179/1 od 23.06.1981. godine izdata od Univerziteta u Beogradu, Rudarsko-geološki fakultet, na str. 48 dostavljeno je uvjerenje Republičkog komiteta za energetiku i industriju o poležnom stručnom ispitu u kojem je navedeno da je predloženi nadzorni inženjer za geodeziju- Boriša Divljan, posjeduje VSS-dipl.inž. geologije položio stručni ispit, te je Komisija konstatovala da nije ispunjen uslov iz tačk.11.4.1.b) alineja 2. tenderske dokumentacije, kako je prednje navedeno.

Komisija je konstatovala da je ponuda ponuđača INSTITUT ZA GRAĐEVINSTVO „IG“ d.o.o. Banja Luka kompletna, da zadovoljavaju tražene kriterije i da je u okviru budžeta. Izvršena je računska kontrola ponuđene cijene i ustanovljeno je da nema računskih greški.

S obzirom na to da je samo ponuda INSTITUT ZA GRAĐEVINSTVO „IG“ d.o.o. Banja Luka prihvatljiva, to se u skladu sa članom 4. stav (2) Pravilnika o uslovima i načinu korištenja e-aukcije (Službeni glasnik BiH 80/23), e-aukcija ne zakazuje.

Komisija za nabavke je predložila Upravi da ugovor, za nabavku usluga: Nadzor nad izvođenjem radova: Rekonstrukcija raskrsnice na M4, ulaz u Gračanicu dodijeli INSTITUT ZA GRAĐEVINSTVO „IG“ d.o.o. Banja Luka koji je dostavio ponudu sa najnižom cijenom u iznosu od 25.638,00 KM bez uračunatog PDV-a, odnosno 29.996,46 KM sa uračunatim PDV-om, u skladu sa članom 69. stav (1) tačka a) ZJN-a, te je donijeta odluka kao u dipozitivu.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

JP CESTE FEDERACIJE BIH

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



v.d. direktor:

Ljubo Pravdić, dipl.ing.grad.

Dostaviti:

- Ponuđačima (sa dostavnicom)